

武陽志餘

志餘卷五之一

減免

同治二年六月初三日奉

上諭前因潘祖蔭丁壽昌先後奏請酌減江浙等處漕額當交戶部議奏嗣據曾國藩等奏請減蘇松太三屬漕額因特降諭旨宣示令曾國藩李鴻章分別查明折衷議減茲據戶部奏稱常鎮漕額雖較輕於蘇松似應一律量加體卹惟據曾國藩等所奏減蘇松太三屬漕額聲明與舊額本輕毋庸議減之常鎮二府通融核計每年起運交倉米一百萬石以內是蘇松太三屬實徵米五十萬石按之原額止存十分之

志餘

卷五

減免

一

四以常鎮二府額徵米較之未免不得其平請將蘇松太三屬漕糧統按原額減去三分之一常鎮二屬照原額酌減十分之一各等語著曾國藩李鴻章按照戶部酌減分數將蘇松常鎮太等屬漕糧各按上中下賦則一體分別議減以昭平允並將各該州縣等田額若干酌減若干分晰開列奏聞請旨務令下恤民生而不至上虧國用方爲妥善等因欽此復經曾國藩等奏查常鎮二府與蘇松太本有區別且係欽奉

特旨減免自應與蘇松太三屬分案辦理常鎮漕糧擬普減十分之一蘇松太若亦用一律普減之法則蘇常毘連之地

南北不下百里同一田畝蘇屬之長洲每畝減餘尙一斗三升有奇常屬之金匱每畝減餘止六升輕重仍復懸絕既不能請益於三分減一之外似不得不酌劑於三分減一之中以示均平而統計總數仍是三分減一庶幾兩無窒礙仰懇天恩俯准將蘇松常鎮太五屬額徵地漕錢糧一體減免十分之二四年五月奉

旨戶部議奏旋經部議查蘇省賦額每年額徵正銀二百十五萬兩零自道光癸巳大水以後無歲不歉不緩卽如道光辛丑後三年奏銷完數之多以咸豐戊午爲最然地丁僅完九十餘萬漕項亦不過三十萬兩餘皆災歉民欠若減米而

志餘

卷五

減免

二

不減銀則奏銷萬難如額必至捏災請緩與其久懸虛額使民間徒受追呼何若悉予蠲除俾徵數胥歸實在且於捏報例災之弊可期永除仰懇

天恩俯准將蘇松常鎮太五屬額徵地漕錢糧一體減免十分之二仍查明上中下各則分別核減其有折糧田地不科本色而每畝科徵在三分以下者概不議減至蘇松太三屬漕糧亦按則分別遞減無庸併減五升以下之輕則統照部議三分減一之數常鎮二屬漕糧則一律普減各照部議十分減一之數應如所奏辦理四年九月署總督李鴻章護理巡撫劉郇膏條奏蘇松常鎮太五屬額徵米石係彙同漕贈

行月南恤局糧一串徵收分欵解支卽民間升斗之糧亦復漕南畢具並非按欵按屬分徵現辦減漕自應一例普減部議奏准蘇松太三屬三分減一常鎮二屬十分減一雖未指明南米並減與否然漕南斷難分別必須一同按照徵數派減現在應請遵照例案無分起運留支米欵一體驗派扣減其減缺白糧米石攸關

天庾玉粒照例仍於漕糧項下按數撥足起運兵糧卹孤局糧等欵均係計口授食要需難以短缺亦應籌欵撥補其額撥江安糧道漕項行月米石各就本欵核減毋庸於南米內統行扣減以免轆轤所有常鎮二屬賦役全書並照蘇松太志餘

三屬從道光十一年起至現在各屬清糧全竣之日止作爲四屆併修以歸劃一奉

旨下部議行是月李鴻章等復奏奉部議以 國家制用自有常經減徵以後設虞不給必致另設名目重困閭閻裁有定之賦開無藝之徵於事爲不情於名爲不順且卹民之政不在減定額而在裁浮收誠爲探本窮源之論惟蘇松等屬甫經克復戶口流亡田地拋荒催徵之難倍於往昔目前徵收勢難如額全完旣蒙

曠典永減漕額之後所以體卹小民者至優極渥從前積弊必應一律廓清若非實在旱潦不准再開捏報例災之端况

地丁錢糧爲維正之供絲毫均關庫款地方官自宜激發天良均平催徵以期下卹民生上充國用應請申明定例將各州縣經徵地丁錢糧俟查辦奏銷時即將考成遵照定例一律辦理既不准橫徵暴斂下蹙民生尤不容侵蝕那移上

虧國用奉

旨戶部知道欽此十一月戶部議覆李鴻章等奏蘇省減免漕糧章程一則奉

旨戶部議奏欽此查常州府屬額編米三十五萬五千九百八十石零派減三萬五千五百九十八石零卽自本年爲始照減定數目徵收至白糧爲

志餘

卷五 減免

四

天庾玉粒尤關緊要仍照舊額徵收起運應如所議辦理行文咨會工部議覆李鴻章等奏擬裁除津貼以河運節省等款酌撥抵用一摺奉

旨戶部查核具奏欽此查江蘇漕糧辦海運所需沙剝食耗等米及沙船水脚等費向來均係州縣捐提其節省漕項各欸一概報撥竝籌補災歉漕額咸豐四年以後始准將河運漕贈一項及節省給丁耗米開銷海運用欸不敷之數仍由州縣酌提津貼本年臣部議覆內閣學士殷兆鏞請裁津貼摺內令將海運經雜各費撙節支銷所提津貼一項量爲核減據實覆奏茲據李鴻章等奏稱蘇省運費無分漕白每石

約需銀七錢計減存漕糧照額白糧約交倉米一百萬石有奇運費約需銀七十四萬八千餘兩又沙船經剝食耗竝籌備二升餘米由縣支銷春耗等欸共約需米十五萬三千五百餘石查有節省丁耗贈五改糙盤春竝行月糧等減贖應徵米欸除抵支沙剝食耗等米外所餘之米全數糶變銀兩合之蘇糧道酌提漕項等欸江糧道照額酌提一半漕項等欸又蘇松太等衛屯折漕項月糧米折金山幫屯田津租三款共可約六十九萬八千六百餘兩尙有不敷飭查各衛幫屯田確數酌提津租並蘇糧道四分漕項內隨時湊撥裁去津貼仍與運務無礙等語木年八月間臣部議覆浙撫籌議

志餘

卷五

減免

五

海運經費案內准其裁革津貼以漕運漕不動別欸蘇省事同一律擬定運費每石七錢請提漕項各欸應用應請如所奏辦理所需運費七十餘萬兩從前皆係額外取自民間現在一律蠲除該督撫務宜嚴飭所屬照例徵收永禁津貼名目倘有仍借津貼爲名浮勒絲毫者立即嚴參懲辦查革除陋規實爲理漕第一要義果如原奏所稱辦理洵爲妥洽仍恐有裁減之名無裁減之實則釐弊大政徒存紙上空談仍於吏治民生毫無裨益應令該督撫等實力整頓妥議章程奏明立案明白示諭勒石嚴禁以除積弊而肅漕政奉旨依議欽此奉准普減武進漕額米五千二百三十一石四

斗八升九合八勺實徵米四萬七千八十三石二升四勺遇
閩加徵米一石二斗二升七勺每平田一畝科徵本色米并
麥改米六升三合一勺五抄有零二邑同陽湖普減漕額米
五千五百二十四石二升一合九勺又除清糧案內清見各
則田蕩實缺米四十九石三斗六升四合八勺實征米四萬
九千六百六十七石九斗四升八合遇閩加征米一石二斗
八升八合五勺

光緒十年恭逢

慈禧端佑康頤昭豫莊誠皇太后五旬萬壽奉

旨豁免積年民欠正耗錢糧及因災緩征銀穀並借給籽糧

志餘

卷五 減免

六

牛具漕項課租雜稅等項內同治七年陽湖被水災田下忙
條銀二千三百三十四兩一錢二分二釐漕米二千七百六
十六石三斗一升九合四勺八年武進被水田下忙條銀八
百六十五兩四錢九分四釐米七百九十五石二斗四升七
勺陽湖被水田條銀七千九兩一錢六分米五千六百十
六石六斗七升五勺 十一年陽湖新塘鄉野豕災緩征下忙
條銀五十一兩五分六釐米五十六石
九斗八升六合六勺十二三年遞緩徵銀二百五兩一分
三釐米一百十三石九斗七升四合七勺併於民欠案內一
併豁免十二年武進旱災田條銀四千一百四十八兩四錢八
分八釐米四千五百九十五石一斗九升五合五勺陽湖旱
災田條銀九千四百五十七兩七錢五分九釐米一萬四百

七十五石七斗七合七勺光緒元年武進被水田條銀一百
二十二兩九錢二分八釐陽湖被水田條銀五百五十五兩
七錢七分一釐米六百二十石三斗二升八合六勺二年武
進旱災田條銀一千四百一十一兩八錢六分米一千五百六
十三石八斗八升七合陽湖旱災田條銀一千三百九兩三
錢四分九釐米一千四百五十石一斗六升五合一勺三年
陽湖上年被旱未墾熟田條銀六十七兩八錢九分七釐米
三十七石八斗九升一合七勺五年武進旱災田條銀三百
五十六兩七錢二分五釐米三百九十五石一斗三升六合
二勺陽湖旱災田條銀三百六十九兩八錢五釐米四百九
石六斗八合五勺

志餘

卷五

減免

七

光緒九年武進被水田蠲免條銀三百七十八兩三錢七分
八釐米二百六十七石四斗四升六合五勺十一年武進被
水田蠲免條銀一千一百五十八兩九錢八釐米一千三百
十三石八斗六升一合四勺陽湖被水田蠲免條銀六百六
十九兩八錢一釐米七百十六石五斗七升八勺

志餘卷五之一

減免補遺

乾隆四年十二月初一日戶部議覆江蘇巡撫張渠奏武進陽湖二縣役田租銀原因明代白糧責成糧長里民運送苦累不堪後經巡撫捐銀買田除完辦條漕外另收租銀以抵白糧募船水脚之用我朝糧由官運此役租遂歸白糧經費裁存項下充餉在當時置買此田止令民間領價認租並未開報實在田畝遂有無田領價有田私賣以致日久無着後因迫於清查凡有戶可追者暫將已田開抵其無戶可問者卽將租銀攤派圖里認賠請將前項無着田租銀八百十二

志餘

卷五

減免補遺

一

兩零全行豁除以甦民困應如所請照數除免至見存原置役田從前原係官置其開抵民田一項亦係領價未買均非無着可比今該撫請減半徵收未便議准應令於承辦條漕外照額徵租以濟公務從之

東華
續編

志餘卷五之二

祥異 已見新舊志者不載

嘉慶五年三月野有燐火初見一炬散爲數百迹之杳居民
鳴鈺達旦半月始定

道光二十三年春二月長庚如匹練著天

二十九年雨連春夏五月大水 閏四月己卯夜天赤如血

俄大雨如注田禾盡淹大饑米石五千餘

三十年夏麥秀雙歧

咸豐十年春正月晦有雉入於郡火神廟越三日廟災武進
奔牛暨丹陽之火神廟皆同時火 閏三月熒惑入南斗口

志餘

卷五 祥異

一

立夏大雪 地生毛色黑白

十一年五月辛亥有星孛於西北壬子又見長經半天一時
許沒 八月丁巳朔卯正初刻五分日月合於張宿之次會
於鶉尾木火水土四星居於張距日皆四度弱金星居軫距
日三十度強是日

穆宗毅皇帝登極

同治元年六月丙寅夜衆星西南流庚午夜半雨雪七月丙
申彗星見於西北

三年二月雪定東鄉大墩河冰結成天下太平字縱橫五尺
餘如扁式四月郡城復是歲大饑食草木根皮皆盡民死無

祿

四年春正月己亥天禧門災 庚戌大雷電雨雹辛亥雨雪
大雷電甲寅復雪雷震東門外塔頂鳥雀死無祿 多野豕
狼傷人畜 閏五月己丑日中有影旁有一星歷五六日隱

秋八月杙桃華 陽湖新塘迎春二鄉野豕害稼

七年秋冬杙桃華

九年秋九月杙桃華 壬辰晦雷電

十年四月太白晝見 壬申雨雹

十一年六月十九日夜地震

十二年八月大雨雹傷禾

志餘

卷五 祥異

二

光緒元年新塘迎春二鄉野豕復爲災官吏率民捕之盡
附知府譚鈞培捕除馬蹟山野豕記略馬蹟山古夫椒也
在太湖中周百餘里有田千頃咸豐季年髮逆踞爲巢民
人死徙同治初元官軍擊賊去野無居人草木暢茂禽獸
宅其中越數年流亡漸復田豕出害稼無青黃維其饗民
無所得食籲大府請緩征有年矣歲甲戌余來守常問民
疾苦陽湖令以告且曰是民嘗逐之東犇西突急則渡湖
竄新塘列獲阱避不內餒獸之藥不飫民無所致力語之
曰是固髮逆所遺當以捕賊之法聚而殲之乃白大府請
鎗彈火藥招獵者給工食而捕之殪一豕賞有加日獲數

豕耳慮曠日繇費乃克期偕令履山周視陟其顛彌望蔚
秀濱湖皆沃壤山九圖圖有長里有正巡檢司之則皆召
至謂之曰太守與衆約令民若老幼若女咸閉毋出壯者
厥明集於是召獵者予火器度山爲東西段獵者伏澗底
豕至擊之壯者人手一挺列山岡能火器者先虛發皆鼓
而譟聲震山谷豕驚突獵者迎擊之鮮不中旣合敵而蒐
夜鳴金於山毋使西者東越日復集則更爲滾捕法益舟
師合圍於山之西如前搜旣盡渡湖又捕於新塘是役也
獲豕無祿賞獵者而仍畀之爲縻泉五百緡問民曰猶有
豕乎則皆曰無惟太守威德太守曰令之勤民之福也

志餘

卷五

祥異

三

十月乙亥夜雷電

二年夏麥秀雙歧 四月至八月有禽厭妖徹夜鉦聲不絕
更迭巡邏 五月雨紅粟於陽湖江陰錯壤之蘆歧 秋七
月有光出龍城書院旂杆下燭霄漢 立冬後四日雷

十一月桂榮蠶豆柀桃華

三年秋大風拔木 冬暴寒樹木凍死

五年春閏三月乙酉大雨雹於陽湖定東安尙兩鄉

五都廟
出會經

行之
地 殺豆麥

六年春三月壬申未刻有黑青起西北方橫亙中天

七年春二月天寒雨成冰樹介 夏六月彗見東北方 秋

七月彗見西北方 閏七月己未晦地震 冬十二月辛酉雷

八年夏六月甲戌陽湖無錫雨雪戚墅堰寸許 秋八月壬戌蚩尤旗見東北方形如帆光炎炎月餘滅 冬十月庚辰夜衆星自良方流至坤方隕如雨

九年秋七月至冬十月日入紅光燭天向曉亦有光稍淡

十一月彗見西北方十二月杪滅

十年春雨豆 冬桃李華

十一年夏霪雨無麥 冬十月丙戌夜流星如織 桃杏華

十二年麥有秋 冬桃李花 大有年

志餘

卷五 祥異

四

志餘卷五之三

營制

常州營隸提標遊擊統轄武陽錫金宜荆六縣武陽爲中軍錫金爲左軍宜荆爲右軍

孟河營舊隸江陰營原設千總總轄內地陸路雍正十年改設都司爲專營隸提標

孟河陸營都司兼轄太平洲洲四面臨江長九十里廣二十里舊隸京口水師營兵後裁改營制將京口營裁撤光緒七年奉文以該洲離孟河營較近撥歸管轄增設千總一弁兵四十名專駐太平洲又經稟准在洲汛馬兵內拔

志餘

卷五 營制

一

補額外外委二弁分轄洲境東西南北四汛以老郎街鎮爲全洲適中之地千總駐焉咨部更定八年又奉文以大礮子圩小礮子圩附近洲尾撥歸孟河營兼轄增設額外一弁專管二圩分爲二汛

常州中左右三軍原額馬戰兵六百名同治九年裁撥一百名歸狼山鎮標陸營十年又裁減八十名併入新設內河水師光緒七年孟河營添設太平洲汛奉文裁撥守兵三十五名

中軍原額二百七十一名兩次裁定兵額一百九十一名馬戰兵二十一名

內外委千總一弁外委把總二弁額
額外外委二弁增設額外四弁 步戰

兵三十八名守兵一百三十二名

中軍原額馬四十六匹內官坐馬十六匹游擊六守備四千總二把總四

同治九年裁右司把總一弁改用外委仍管右司事裁把

總坐馬二匹見裁存官坐馬十四匹馬兵操騎馬舊三十

匹同治九十兩年遞裁馬戰兵九名馬九匹見裁存操騎

馬二十一匹

孟河營原額馬十四匹內官坐馬六匹都司四把總二兵操騎馬

八匹見裁存官坐馬六匹外委額外三太平

洲增設官坐馬二匹千總坐馬兵操騎馬四匹額外三馬兵一

孟河營太平洲千總一弁歲支俸薪廉銀一百六十八兩

志餘

卷五 營制

二

馬乾銀二十六兩四錢馬戰兵四名歲支餉乾銀一百四

十八兩八錢米一十四石四斗內額外三弁仍支馬餉步

戰兵八名歲支餉銀一百四十四兩米二十八石八斗守

兵二十八名歲支餉銀三百三十六兩米一百石八斗

案兵後水陸員弁俸薪銀減半支放各兵餉銀兵米歲

發十月米每石折銀一兩

中軍守備專轄武邑城內坊廂

中軍千總專轄陽邑城內坊廂

左司把總駐朝京門外專轄武進之西埠新聞連江橋奔

牛同治間以外委一名分轄奔牛汛九里鋪以上汛各兵五名巡船一艘南塘之普濟

橋北塘之北埠陽湖北塘之三河口八汛以上汛各兵四名巡船一艘

案巡船自嘉道間停修兵後未設以下各汛同

右司外委駐通吳門外專轄陽湖東塘之東埠丁堰戚墅

堰橫林以上汛各兵五名巡船一艘同南塘之丫河坊前

五洞橋武進南塘之尉史橋八汛以上汛各兵四名巡船一艘惟五洞一汛巡兵

與宜興右營各半

孟河營把總駐孟河城內專轄武進之石橋灣夏墅青城

安家舍羅墅灣萬稅固村新莊圩塘魏村十汛以上汛各兵四名無

巡船

孟河營外委把總駐魏村協防石橋等十汛光緒十年增

志餘

卷五 營制

設額外一弁分轄小河黃山等處黃山北濱江向歸水師營所轄水師裁撤併歸

河額外其孟河營東汛桃花港止五十五里與江陰營石莊連界

孟河營太平洲千總專轄全洲及兩礮子圩額外外委二

弁分轄洲地東西南北四汛礮子圩額外外委一弁分轄

大礮子圩小礮子圩二汛

太湖營馬蹟山舊設千總一弁光緒十年調領礮船增設

額外外委一弁駐西邨專轄陽湖之桃花耿灣古竹雁門

東鈕西邨以上均隸馬蹟山雅浦百瀆以上汛各兵五名巡船一艘

同治九年改設內河水師淞南北太湖左右四營礮船分

駐蘇松常太四府州縣等處塘河榦河巡防緝捕凡有陸

汛及鎮市地方一里外遇有失事責成水師處分一里內仍歸陸汛光緒九年奉文河面失事無論有無鎮市相離遠近概歸水師承緝如官塘榦河鎮市設有陸汛遇有距汛一里內河面失事以水師爲專責陸汛爲協緝如官塘榦河兩岸失事在水師砲船駐泊一里內陸汛爲專責水師爲協緝

武進縣境之西埠汛南至石龍嘴普濟橋馬公橋與太湖右營後哨分界 東埠汛西至尉史橋與太湖右營右哨分界

陽湖縣境之東埠汛南至運邨鎮係榦河與太湖水師右

志餘

卷五
營制

四

哨前後哨分界 東埠汛東至橫林汛係塘河與太湖水師右營右哨分界 東埠汛西南至五洞橋汛係運河與太湖水師右營後哨分界 東埠汛東南至雪堰橋萬壽橋係榦河與太湖水師右營右哨前哨分界

志餘卷五之四

兵事上

開寶八年四月丁巳吳越王拔常州紀權知軍事禹萬誠以

城降南唐書

案吳越備史補遺開寶七年秋七月敕詔王錢俶取常州冬

十月敕授王東南招討制置使命丁德裕爲行營兵馬都監又以雲騎雄捷等指揮步兵凡千人輔王進攻常州丙寅王率諸軍入毘陵前鋒所至賊望風遁有獲巨龜於旌門之下占者曰元武之應也戊辰王次毘陵遂克關城常人以牙城自守王命營於九僊墩命親從指揮使凌超等

志餘

卷五 兵事

一

分營四門十二月癸亥攻拔城寨辛未又敗之於城北金陵大將盧絳宵遁八年二月大軍攻其壘不克夏四月我師復大攻城壘時僞知常州軍州事禹萬誠遣觀察推官鄭簡降款於軍門且請命焉王從其請禹萬誠等詣行府待罪王賜以衣冠器幣悉送京師又命羊酒置其家以安慰之

宋瀛國公德祐元年元世祖至元十二年也正月戊辰知江陰軍鄭繻棄城遁三月甲戌元兵至無錫知縣阮應得出戰一軍皆沒應得赴水死壬午知常州趙與鑒聞兵至遁常民

錢嘗以城降宋史紀

案元史世祖紀丙戌常州安撫戴之泰通判王虎臣以城降伯顏傳常州守王宗洙通判王虎臣以城降周氏舊譜周總傳鈐轄戴之泰同王良臣以城降又王逢梧溪集通判錢彬以城降

丙戌張世傑遣其將李山進軍常州戊戌赦邊城降將罪自拔來歸者錄之復一州者予知州復一縣者予知縣所部僚吏將卒及土豪立功者同賞庚子徙淮東總領所於江陰軍五月丁丑詔趙潛統軍民船屯江陰劉師勇攻常州復取之執安撫戴之泰司戶趙必信總管陸春戰死

宋史紀

案陳炤傳淮民王通居常州陰以書約劉師勇許爲內應

志餘

卷五

兵事

二

朝議乃以姚希得子峇知常州師勇復常州走錢峇執安撫戴之泰等遂迎峇以入王安節傳劉師勇復常州攻走王良臣師勇還平江以安節與張彥守常州

辛巳加劉師勇濠州團練使七月詔常州江陰被兵者勿糴

八月庚戌劉師勇攻呂城克之

宋史紀

案張世傑傳劉師勇者廬州人時姚峇復常州賈似道命師勇以淮兵取呂城使助峇守而以張彥守呂城元世祖紀五月壬辰宋都統劉師勇殿帥張彥據常州

戊午加劉師勇和州防禦使甲子以文天祥爲浙西江東制置使九月丙戌命文天祥總三路兵乙未張彥與大兵戰敗

被執以城降 宋史紀

案宋紀彥以城降殆以呂城降也或當時呂城有城扼守故云張世傑傳師勇助嘗守常張彥守呂城合兵拒大軍戰失利彥馬陷淖中見執呂城失守常州勢益孤元世祖紀七月翌日 上文庚午 宋平江都統劉師勇殿帥張彥以兩浙制司軍至呂城復爲阿塔海行院兵所敗元史懷都傳輝圖領兵千人至無錫與宋兵遇大戰殲其衆九月宋殿帥張彥安撫劉師勇攻呂城輝圖與萬戶忽刺出帖木兒追戰至常州奪舟百餘艘擒張殿帥范總管

十月己亥加劉師勇福州觀察使辛亥以張世傑爲沿江制

志餘

卷五 兵事

三

置使兼知江陵軍十月壬戌

舊志譌庚申伯顏傳在十一月乙亥壬午伯顏軍至常州大

元兵發建康參政董天炳范文虎將左軍出江入江陰軍丞相伯顏將中軍入常州癸亥張全尹玉麻士龍援常州士龍戰虞橋死全奔五牧甲子尹玉戰五牧死之張全不戰遁

案文天祥傳天祥遣其將朱華尹玉麻士龍與張全援常州至虞橋士龍戰死朱華以廣軍戰五牧敗績玉軍亦敗爭渡水挽全軍舟全軍斷其指皆溺死以殘兵五百人夜戰皆沒全不發一矢走歸陳宜中傳天祥請誅全宜中釋不問已而常州破元史懷都傳十月從右丞相阿塔海攻常州宋朱都統自蘇州赴援懷都提兵至橫林店與之遇

奮擊大破之

是月李世脩以江陰降

宋史紀

案元史紀三月甲戌宋江陰軍僉判李世脩以城降

十一月癸酉贈尹玉濠州團練使麻士龍高州刺史甲申大元兵至常州招降不聽攻二日破之屠其城知州姚嵩通判

陳炤都統王安節皆死劉師勇潰圍奔平江

宋史紀

案劉師勇傳元軍賁張彥城下招降師勇以大義斥彥彥慚而退又遣范文虎來諭師勇伏弩射走之常受圍數月援兵絕有羣鴟飛鳴繞城衆惡爲不祥俄而城陷師勇拔柵戰且行其弟馬墜墜躍不能出師勇舉手與訣去淮軍

志餘

卷五

兵事

四

數千人皆鬪死有婦人伏積屍下闕淮兵六人反背相拄殺敵十百人乃殪元史伯顏傳遣人至城射書城中招諭勿以已降復叛爲疑勿以拒敵我師爲患皆不應乃親督帳前軍臨南城又多建火炮張弓弩晝夜攻之淅西制置文天祥遣尹玉麻士龍來援皆戰死甲申伯顏叱帳前軍先登豎赤旗城上諸軍見而大呼曰丞相登矣師畢登宋兵大潰拔之屠其城姚嵩及通判陳炤等死之生獲王安節斬之劉師勇變服單騎奔平江諸將請追之伯顏曰勿追師勇所過城膽落矣以行省都事馬恕爲常州尹遣蒙古軍都元帥闍里帖木兒萬戶懷都先據無錫州萬戶忙

古夕晏徹兒巡太湖又王逢梧溪集降臣呂文煥射書入城諭以禍福流矢中之文煥怒白伯顏丞相建鈎援之屬晝夜力攻餘五十日師勇裹創拒戰且曰吾城卽破金山長矣丞相因讖其語命舁金山寺沙門問計沙門實無計諉言城狀如龜擊其尾則四足披露矣十一月用牛馬革爲屋以蔽矢石趣死士相銜輦土填塹灌脂砲中焱焰枯發急攻南門城遂陷峇戰死安節被執終死不屈師勇從八騎手殺哨騎數十百人易衣甲以混北軍給衆曰亟追劉都統所向披靡得從閒道赴行在扈二王入閩至紹興憤懣疽發背卒

志餘

卷五

兵事

五

庚寅通判王矩之都統制王邦傑遣人迎降於常州十二月甲辰贈姚峇龍圖閣待制其父希得贈太師陳炤直寶章閣

宋史紀

明年宋亡

案新志盡削王安節尹玉劉師勇傳今摘宋史傳略及采舊志竝補麻士龍傳附後師勇未死於常故不列

王安節節度使堅之子也德祐初爲兵馬副都監合張世傑兵戰鳳皇港有功轉三官劉師勇復常州攻走王良臣師勇還平江以安節與張詹守常已而良臣導大兵攻常安節等築柵以守相拒兩月伯顏屢遣使召降不下伯顏怒麾兵破其南門安節揮雙刀率死士巷戰臂傷被執有

求其姓名者安節呼曰我王堅子安節也降之不得乃殺

之張詹疑
卽張彥

尹玉甯都人少負氣節多勇略以捕盜功爲贛州三砦巡檢從文天祥勤王天祥至平江調玉同淮將張全廣將朱華拒大兵戰於五牧全等軍敗以淮廣軍先遁玉援絕以殘軍五百殊死戰手殺數十人箭集胷如猬毛力屈被執兵士以挺叢擊之死餘兵猶夜戰殺人馬蔽田間無一降者質明生者惟易崇等四人報天祥事聞贈玉濠州團練使官其二子賜田二頃恤其家

麻士龍長白人驍勇善戰來歸以都巡檢從文天祥於平

志餘

卷五

兵事

六

江姚峇復常州遣從子讓與郡人周總詣平江請救天祥調士龍與都尉尹玉各將兵援常州張全朱華繼之署總參謀命讓先歸簡丁壯師至陳墅遇元將胡里喝士龍與戰禽之總家僕丁連捷禽火麻也赤伯顏令降人王良臣招降讓烹良臣伯顏怒悉銳來攻時張全主饟不給軍食復縱部卒掠士龍等所獲軍資總復乞於江陰李世脩陰降元亦不應士龍欲襲江陰總不可伯顏使人焚近寨墟落宋兵益飢割死虜肉食之全等先潰士龍轉戰至虞橋力盡死讓亦以創重卒天祥上其事贈士龍高州刺史讓

都統制

節周氏
舊譜

元危素昭先錄序宋德祐元年十月乙卯通判常州陳公
炤死城守後六十九年爲大元至正三年詔修遼金宋史
其曾孫顯曾以書告史官翰林直學士王公沂師魯翰林
修撰陳君祖仁子山經筵檢討危素太樸請錄公死節事
陳君及素復書曰史官修撰余君廷心實當記公事而慎
重不輕信於是顯曾又亟以書告余君反覆哀痛余君雖
愛其詞然猶難之後從國史院庫得德祐日記載公授官
歲月與夫復城城守兩轉官城破死節褒贈等事甚悉始
爲立傳而顯曾未知也遂走京師伏謁余君以請今其傳
旣上進矣顯曾退輯次諸公爲公所著文字及其前後所

志餘

卷五

兵事

七

與書問題曰昭先錄使素序其端素使過常詢其父老而
參以野史襍記所載獨恨忠義之家其子孫往往才智驚
下不能道先世事可勝悲哉而顯曾獨惓惓焉懼其先德
之不傳可謂賢已且顯曾學行淳懿方出爲當世之用此
錄蓋不待序而傳者然素讀宋禮部郎官鄧公光薦續宋
書謂常之天慶觀道士收城內外積骸萬數至不可計并
池溝塹無不充滿僅餘婦女嬰兒四百而已大軍入江南
屠戮未有如此者則常之事史家尤當盡心焉按大元丞
相伯顏驅降將呂文煥繇常嚮臨安先是左丞阿答海攻
六月餘不能下會守臣趙與鑑稱病温人王良臣者屢舉

不中流落無籍人也適寓常與錢嘗者詐稱郡官開門迎
降降書首署錢嘗而未及已今法以署後者爲長良臣遂
守郡嘗乃次之是年三月故參知政事姚公希得之子嘗
以知某州家居宜興與公合謀起民兵二萬復常州事聞
丙申授嘗帶行軍器監簿知常州調揚州兵七千隸之五
月戊子公差通判常州六月戊辰特以其職起復加奉議
郎於是樞密院都統制劉師勇副都統王安節皆以督府
命分兵守常加師勇安撫使殿前都統制張彥攻呂城八
月加彥遙郡觀察使師勇防禦使又命統制張全將淮兵
二千來援文天祥督軍平江公之子應龜奔愬乞援天祥

志餘

卷五

兵事

八

義之使朱華將三千人尹玉將五千人會於五牧全往橫
林設伏於虞橋大兵奄至麻士龍死之全不救走還五牧
華欲掘塹設柵全皆不許大兵薄華軍華力戰自辰至未
華軍死於水者不可計至暮大兵遶出華背曾全謝雲胡
遇曾玉先遁尹玉力戰手殺七八十人全軍隔岸不發一
矢華軍渡水挽船全斷挽者指於是多溺死者尹玉戰死
全亦宵遁惟尹玉殘軍五百與大軍角皆并力死戰無一
降者質明易崇等四人脫歸天祥謀再遣兵道不通矣全
淮東僨將也嘗從許文德復清河兵已入城全鳴金散衆
文德不敢以斬將自專送之帥闔竟免之及是天祥欲先

斬全并真敗將於軍法以全朝廷所遣請於陳宜中宜中
又免之卒以降天祥至餘杭始斬曾全以狗耳自呂城之
敗城中短氣然猶堅守四十餘日殿司及所親籍籍偶語
欲進異謀輒憚師勇忠壯莫敢發言俄羣鴟飛鳴匝城中
衆疑其妖亡何大將軍有鴉鵲亡集城上請以善馬金帛
贖之師勇不予與淮將謀卜十月丁巳率勁兵突圍出戰
乙卯伯顏親率二十萬衆抵城下急攻北門將士力戰再
退遽攻南門屬地分將張超離所部謁神祠大兵自超所
守處登城軍士不見主將拒鬪不力城遂破撥發官傳忠
導師勇以數百人開東門拔柵踰塹而去師勇弟馬墮塹

志餘

卷五

兵事

九

躍不能出師勇遙舉手與訣轉戰而前問道疾走幾危者
數比至平江纔十一騎云安節善用雙刀率死士數十人
巷戰及左股斷猶手殺數人大兵脇之降安節大詬曰汝
不知守合州王節使耶乃吾父也吾豈爲降將軍辱吾先
人遂死之天祥後繫燕獄爲詩哀常州云常州宋睢陽也
北兵憤其堅守殺戮無遺死者皆忠義之鬼哀哉哀哉詩
曰山河千古在煙火一家無壯甚睢陽戰冤哉馬邑屠蒼
天如可問赤子果何辜唇齒提封舊撫膺三嘆吁豈縱火
自焚公調兵巷戰敗歸坐廳事左右牽馬請由小東門出
公曰去此一步非死所矣日中兵至堂上慷慨不屈死於

所居之位是時淮軍死鬪人殺數人乃死有婦人重傷伏積屍下見淮軍六人爲大兵所逐六人反背相拄且前且鬪殺數十百人乃斃莫謙之者宜興浮屠起兵戰死徐道明天慶觀道士不降死至是宋雖危猶用褒卹之典贈麻士龍正任高州刺史一子承信郎尹玉濠州團練使立廟贛州一子承節郎賜田若干畝王安節保定軍承宣使諡忠蓋二子恩澤賜銀絹五百會子廿萬田千畝姚峇龍圖閣待制公得贈朝奉大夫直寶章閣一子將仕郎皆立廟莫謙之武功大夫昔聞傳者之言曰天地有大經亘萬世而不泯者忠義是也夫惟敗亡之國其人乃見而有道之

志餘

卷五

兵事

十

朝務存至公不責其抗而錄其節至於倒戈迎降開門輸欵者雖賞之爵之而未嘗不疑其心薄其行是以高祖致丁公之戮文皇章君素之贈皆所以植天表正民德崇世教非淺見俗識所能測也仰惟今皇帝示天下以至公明詔史臣毋諱死節素待罪史官分修忠義傳罔羅放失夙夜兢兢故常之事得而備書之然猶恨死者多逸其氏名爲之永慨顧安得家有賢子孫如顯曾之能昭其先者乎公家木寒素旣祿食歲連稔頗多積粟鄉之人乏食者以衣來質卽以粟與之頻歲不贖之衣甚多是歲又盛釀酒九月十有三日公生之日應龜自無錫以數舟載衣及酒

盡裝以入城稱壽因犒軍士畢公曰吾必死此吾宗不可
無後汝歸守墳墓毋復來泣別而出故應龜旣請援督府
又傾家募士以補散亡革命之後杜門不出命子協購求
公遺文錄藏之衣冠不改終其身焉顯曾之生協稟命其
父以製名字以景忠訓之曰顯曾者欲汝顯其曾祖也景
忠者欲汝景慕曾祖之忠烈也汝其識之及病革遺言曰
汝毋忘重闡之養及名字之命顯曾泣曰不敢忘遺訓也
乃瞑時顯曾年方十六故顯曾克篤孝誠久而勿懈余讀
其昭先錄亦必爲之廢書而感泣也至正六年四月旣望
陳顯曾昭先錄後跋顯曾十歲許時聞先大父語曾大父

志餘

卷五

兵事

十一

寶章公死事大父痛哭顯曾亦涕泣寶章公多文章屬兵
燹逸其稿先大父嘗命先君子錄藏一二于家初鄉僧璘
之母被鹵北去大德間璘行四方求其母得於京師又得
見鄉人楊立以立書致問先大父楊立者寶章公僕也德
祐乙亥寶章公通判常州城始被圍立嘗在左右大父奉
命歸守墳墓毀家以給軍率義士以補散亡已而攻圍益
急屬文丞相出督駐師於吳大父奔懇請急文遣張全朱
華來援傳俊臣曰讀弔五木詩序全實朝廷所遣公遣華
從之云全有利災樂禍之心又云一夫無意事關
宗社顯曾謂公華戰五牧冬十一月城南破左右持馬至
遣全未考也堦下請曰城東北門缺圍一角有間道可從常熟塘馳至

行在所議盡力公曰吾徒以單兵扞禦援絕食盡吾頻日
戰城上不留一矢今死此矣因指其位曰我若去此便非
死所汝曹隨所之吾不責汝也時方晨食粥屏去不復食
日中兵至堂上公不屈死於位左右皆死楊立書詞云然
嗚呼痛哉傳俊臣曰立一僕夫倉皇瀕洞之中實未
知諸將所出主人之死要之得其的耳立書
來時大父多病先君子嘗奔走致養輯其遺文適在他所
未及記楊語不幸先君子早亡顯曾嘗自警曰吾忘吾祖
忠義爲非人子因不敢忘延祐中大父徙家城南鄰有管
副使者身長大魁傑人也自云嘗從伯顏丞相軍戰城南
屢有勝負一日丞相至城下招城上人曰城降吾不殺一

志餘

卷五

兵事

十一

人也衆皆曰吾受宋厚恩共守此土死不從汝遂阻濠水
而陳城上矢盡戰者殫明日城破其說與楊書語合又有
徐道明者主天慶觀城破軍帥坐門外呼曰亟降生汝觀
人其人辭病不起衆輿至軍前乃曰吾知主恩不知其他
帥怒罵曰汝降否曰我惟欲死死不降也遂死帥屠其觀
云邵云顯曾述其大父聞管
副使云非爲道明地者大父從璘問楊立事璘曰城
破時立侍寶章公側不去有義之者縋之出城使人繫歸
其營他日將以畀人立曰吾分必死賴爾以生吾當終身
事爾以報若以畀人吾寧死欲自殺獲者義之遂不以畀
人持至京數年爲立娶妻出居爲良人立後爲巫年八十

餘以終立未死時璘歲一至京師與立相見其後立死璘母亦死璘不復去璘遂遊遠方不知所終管終於城南云顯曾痛惟曾大父克勤大節事當識錄而方外之士猶能死事楊立僕夫臨難猶可觀是知吾鄉爲守禮之邦因附書本末云

傳俊臣曰常州之敗罪魁一張全也可恨可嘆

國朝陳玉璠書萬人死義傳後萬人死義傳蒐菴作逸其名載宋末吾郡死事諸君事與宋史及郡志多不合然宋史出元人筆往往抹忠義自侈戰功豈真實錄史稱麻尹二將死在郡城未破前郡中將士以望斷陷今所紀則城已破姚太守嘗已死始倡義乞師疾馳轉戰迥異史言一

志餘

卷五

兵事

十三

摧不復振嗟乎史未必是傳未必非卽間有緣飾亦當存其說以鼓天下忠臣義士年來遺史疊出如建文從亡姓名得自轉輸藏從亡錄得自吳江史氏鄭所南心史得自姑蘇井中安必果合於史者爲足信也吾常城破時王安節巷戰臂斷猶馘敵若刈草劉師勇八騎衝萬衆走平江護國寺僧解禪服作將雄烈之氣瀰布天地此皆史所載若周總周綺振義旆於五木五巖兄弟協應虞橋直往臨安請援幕府得麻尹二將軍以歸及麻尹周巖俱戰死王武連捷潰圍出請旌于朝終殉以死此皆史與志所不載嗚呼諸君雖死四百餘年其氣不與形俱盡豈肯泯滅無

聞於後世苟非有菟園者爲之記何以妥其靈乎舊傳五木敵番村數處鬼常魘人薛方山先生讀書僧舍亦被鬼魘恍惚見冠帶神叱之去烏知此書未出諸君之憾猶未釋故其魂魄時出沒於風雨陰晦之間哉吁可哀已

元順帝至正十二年十一月辛未命江浙行省平章政事慶童收捕常州賊

元史紀

案元史慶童傳至正十年遷平章行省江浙明年盜起汝潁已而蔓延江浙江東之饒信徽宣鉛山廣德浙西之常湖建德所在不守慶童分遣僚佐往督師旅曾不踰時以次克復既乃令長吏案視民數凡註誤者悉置不問招徠

志餘

卷五

兵事

十四

流離俾安故業發官粟振之又納麟傳至正十二年江淮盜起帝命納麟總制江浙江西湖廣三省軍馬已而賊陷徽州廣德常州宜興溧水溧陽蔓延丹陽金壇句容時湖廣行省平章政事也先帖木兒軍和州納麟遣使求援也先帖木兒兵入溧陽溧水賊潰奔廣德其據龍潭力山者奔常州時江浙行省平章政事三旦八

舊志作薩木丹巴勒

右丞佛

家間

舊志作富珠哩

引兵來會所在羣賊皆敗州郡悉平

張珍字元諒堂邑人以蔭授武略將軍潁州翼萬戶至正十二年冬徽寇陷常珍引兵伏橫林偵賊得其狀連敗之乘勝深入常悉平明年夏六月江陰儉民江牟二人作亂

太尉納麟檄珍討之俘若干人秋八月浙東元帥野先合
珍進屯胡邨分地出戰賊蔑以當勒兵助野時野與裨校
鄭溥賢戰死珍復大敗之以反矢二部將珍曰將陷而獨
全恥急追之冒圍入江中三矢牟被創甚其黨并力來抗
珍矢盡馬蹶拔所佩刀蹂殺數十百人以死先是浙省參
政買術丁分制常珍嘗直言迕之故不援以致不利

集

王逢
梧溪

十五年六月命江浙行省叅知政事納麟哈刺統領水軍萬
戶會本省平章政事定定進攻常州鎮江等處

案慶童傳至十四年脫脫以太師右丞相統大兵南征

志餘

卷五

兵事

十五

明年盜起常之無錫衆議以重兵殲之慶童曰赤子無知
迫於有司故弄兵爾苟諭以禍福盜無不降之理盜聞之
果投戈解甲請爲良民又王逢梧溪集十月六日見近地
起白虹旣烽煙亙東北望者謂是州城未午聞城陷

十六年二月張士誠陷平江路據之遂陷常州

案明史張士誠傳士誠遣弟士德由通州渡江陷平江常
州諸路又王逢梧溪集二月六日無錫陷常州江陰再失

明嘉靖三十年倭犯常州舜山

陳邑
志

里人李鳴岡李珏李啓等率丁壯於申港河西禦之時倭
阻不得至郡日聚黨來戰而鄭陸橋張珏統衆三百人不

合兵爲援反恃李不爲備李兵見倭勢日熾稍却而倭遂

突過瑯衆首遇害

陳志
撫遣

嘉靖三十五年夏倭犯江陰義兵禦之於鄭陸橋張邦定死之

明向洪邁鄭陸橋赴義卷序聖祖龍興淮甸以至正丁酉克常州越十年丁未爲吳元年殲僞吳再踰年定鼎金陵改元洪武而天下大定常爲畿輔劇郡自是不見兵革者百八十年於茲休茲蕃庶貢賦充衍爲東南重邇來島夷弄兵內興閩浙延及畿甸乃嘉靖丙辰初夏犯江陰將逼常州義士張邦定率義兵扼於鄭陸橋力戰以挫其鋒繼

志餘

卷五

兵事

十六

之以死常城卒完觀風者上其事遂錄其後崇報於祀典吾友小湖韓子義其事又爲赴義卷以示予予曰聖祖之爲萬世計淵哉沿海衛所棊布聯絡莫不署銜備倭今使武弁嬰孺緩帶裘馬以享太平之祿而一旦有事使嚮義者蒙難吾於此書之以愧夫世祿而玩寇者島倭限隔山海封疆不相比屬彼之越鯨波而爲寇猶我之不能汎餘鯨以征誅之也朝貢有制懷柔有策彼豈遽能窺伺吾藩哉誰謀不臧內猾爲訐涓涓不塞以成江河頓使東南衣冠財賦汨於腥風必有當受其責者吾於此書之以訊夫厲階之萌者倭氛肆毒志酣掠效利則爭先敗則相棄散

漫無律驅除亦易特以華人久安豢養猝遇不虞無素備耳今觀張義士以生兵數百能挫其鋒復有義士爲之援可以不死義士死而常城卒完安在乎倭之難禦也吾於此書之又以勵夫見義而興起者

陳邑志

萬曆四十二年春三月民間訛傳倭警

三月二十六日忽傳倭至男女荷擔填塞街衢登城一望萬蟻東繞郡侯陳幼學命營兵往孟河勘實歸報無事始懸榜解散薄暮小民之無依者逡巡西返而江陰無錫宜興同日東走無錫西門啟鍵少需積屍如山流言洶洶日熄日起徐知爲孟河市豪焚略一官舫甚憚慮其報仇旦

志餘

卷五

兵事

十七

夕不甯適是月二十八日賽神先期布戲臺酒樓於江滸江北民肩貨掛帆數百艘南指一人遙指曰官兵至矣萬衆隨聲奔而武士後逐益空室行夫遼蜀血戰吳越間緹騎殞命以償忠紳皆甲寅以後奇變而其兆乃見於予邑之訛言漆室之憂至今耿耿也

陳邑志
撫遺

志餘卷五之四

兵事下

咸豐十年四月粵賊犯常州總督何桂清棄城走士民守城六日城陷

湯成烈粵寇紀略曰

國朝聖武懋昭重熙累洽生民樂聚逾二百載而地廣物博洋海毒螫山峒蛇豕遂牙孽於其間道光末年兩粵匪徒攻略府縣鄭撫祖琛不事翦除賊滋繁熾

詔起林文忠爲經略復中道病亡李星沅周天爵兩帥相繼不能蕺事咸豐初元乃

志餘

卷五

兵事

一

命賽相總師徵兵數省攻戰逾年績用弗成賊始狂突自粵而楚攻圍長沙陷岳州破武昌而徐帥廣縉方逍遙湘江二年冬賊已掠九江而東下矣陸帥建瀛奔還江甯賊卽隨之三年二月甯及鎮揚同時失守常始戒嚴於是設保衛局辦團防以在藉紳士汪本銓趙振祚主之本銓謀復鎮江借饗浙省所用匪人感憤病卒振祚獨主局務嗣江督怡良移節常州六年四月大營兵潰人心岌岌怡督進駐丹陽恃以無恐七月總帥向榮卒
朝命以和春爲大臣統其軍春以兵事委之張國樑國樑復鎮江而怡督引疾

朝命以何桂清繼其任桂清恃國樑爲前敵不以兵事爲意因循數年十年二月賊陷浙西諸縣犯杭州二十七日杭州陷巡撫羅遵殿及闔城文武皆死之將軍瑞昌堅守滿城三月初三日提督張玉良率全部復杭州諸縣皆復賊遁回廣德二十六日賊犯常州西南境及沿江一帶於是欽風大有旌孝棲鸞尙宜通江循理各鄉團奮擊皆斃賊多名鄉團斂城求援官紳莫應賊亦旋退閏三月初二日賊陷句容時玉良旋師在常州大營兵單腹背受敵總統張國樑檄調玉良進攻句容分賊勢何桂清不許國樑請和春發犒師銀以固軍心和春亦不應十五日大雨雹

志餘

卷五

兵事

二

營中雪深二寸許賊急攻之師潰和春國樑由高資退守鎮江而丹陽溧陽宜興遂同時失守二十九日國樑力疾出戰身受數十創投水死和春遁常州丹陽陷桂清倉卒不知所爲有勸之退守蘇州者士民遮留爲隨從兵勇刃傷三十餘人先是督轅家丁及旗牌等多爲賊間事敗桂清疑兵弁與賊通不可恃遂擁玉良小隊自衛玉良不能力戰而敗四月初一日偕和春走玉良亦乘出隊而逸知府平翰武進縣馮譽駒陽湖縣何慶澂及闔城文武紳士皆走游擊張得祿帶長勝勇千總曾某出城降賊於是在籍紳士候選知縣趙起廣東知府李彤勳浙江知縣趙祿

保訓導惲彙昌候選知府周贊襄職員曹禾諸生龔建中等推通判岳昌權常州府事陽湖縣典史孫錫珙權縣事率士民登陴固守賊前後蠶至圍城數重是日桂清至無錫在籍侍郎侯桐閉城不納至蘇州巡撫徐有壬拒之遂走常熟蘇省爲東南財賦重地藉常州爲屏蔽歲輸百萬濟餉咸豐六年大營潰向大臣怡督力障常州蘇州得保至是常州無一將一卒之衛賊晝夜環攻民勇悉力抵禦殺傷相當初六日午未間賊陷東南二門入守城及巷戰死者幾二萬人其老弱男婦自焚自溺自縊者亦不下二萬人初七日賊分股陷江陰大股撲無錫初九日陷之自

志餘

卷五

兵事

三

是而東賊至卽破無堅城矣二十日賊以十餘舟出湖將攻馬蹟山爲鄉團所覆遂不敢復攻故迎春一鄉獲全云同治三年四月六日巡撫李鴻章統師克常州湯成烈同治克復始末記咸豐十一年冬侍郎宋晉建議上五省東征疏

皇太后諭交七省督撫會議同治元年江督相曾楚督相官川督駱等奏上議僉同而官督相復與曾相咨商謀帥於是曾督相議以福建延建邵遺缺道李鴻章統領湘淮諸軍東下會上海道吳煦措餉銀二十萬僱備輪船至安慶迎師遂於三月初八日啟行初十日抵上海四月初十日

奉

旨着李鴻章署江蘇巡撫十五日李撫令叅將程學啟等以
四千人攻南匯縣五月初一日克之十一日克奉賢二十
一日克金山衛城二十三日解松江圍六月初八日江南
提督黃翼升至上海七月十五日克青浦九月初二日復
嘉定十一月復常熟進克福山二年三月十五日程學啟
克太倉進攻崑山四月十二日克之二十二日克楊舍汛
城汛屬江陰縣六月十四日程學啟復吳江震澤李巡撫
謀取江陰七月三十八月初一兩日攻克江陰十月統領
李鶴章督軍進取無錫二十一日克皋橋二十六日克新

志餘

卷五

兵事

四

安望亭十一月初二日復無錫金匱縣城於是劉銘傳進
攻常州由城北鄭陸橋羊頭橋間道進剿越圩塘賊壘初
九日進扎西施橋孫村等處時周盛波張樹聲自東路破
白家橋賊卡十三日知府李鶴章自無錫至十四日克圩
塘賊壘二十日句容僞章王合衆五六萬來援鶴章令分
攻各門綴城賊自率九營禦之賊退守又出奇兵繞至其
外攻城之師破南門賊營四座逼扎城根賊勢蹙奔牛鎮
等處守賊乞降二十三日常州賊出圍降孟河賊西至道
員馮席珍擊退之十四日進克孟河汛城十五日破東門
天甯寺基營十七日破小北門土城時唐殿魁黃桂蘭屯

奔牛扼丹陽賊十二月初逆首僞章王等糾集悍黨用洋人飛而復來輪船圍奔牛鎮日以炸礮轟我營增築堅壘數十勢甚迫時奔牛旁境如孟河汛石橋灣羅池涇皆陷初二日劉銘傳抽攻城之軍二千人欲突圍入援賊出隊迎距不得達殿魁遞帛書告急初七日銘傳與郭松林自將三營馳往途中皆賊壘且戰且前李鶴章調洋槍兩營繼進而李秀成李侍賢陳坤書復由金壇溧陽等處糾賊數萬四面環紮賊壘逼奔牛欲解常州城圍二十三日李撫令李鶴章分撥將弁三路並進繞赴李士橋與銘傳軍會十四日銘傳率董鳳高畢乃爾等以小炸炮轟塌

志餘

卷五

兵事

五

李士橋頭營郭松林自上流攻賊東南黃中元滕嗣武自下游攻賊西南犄角而進密飭守奔牛營唐殿魁等衝出夾攻賊衆拚死迎距我軍鼓勇猛進破東南賊營殲其衆西南賊營驚亂滕嗣武乘勢縱擊賊衆奪路狂奔官軍追擊斫斃無數對河大股賊爲嗣武開炮燒死賊匪多名將飛而復來輪船焚燬銘傳督隊向奔牛猛衝賊分股數萬繞後圍撲郭松林等折回復戰賊衆驚潰向丹陽一路遁我軍連破賊壘三十餘座斬賊萬餘生擒數十名奪獲旗幟器械無算奔牛之圍解三年正月李巡撫令郭松林等合同戈登李恒嵩攻宜興二十二日二十三日克宜興城

是時常州賊陳坤書合丹陽句容之賊十餘萬由西路繞出常州城北日犯我軍李鴻章督劉銘傳况文榜等軍擊敗之二月初二日賊循江岸犯江陰之南插於是江陰無錫諸城皆警蘇州以西大震李巡撫飭常州諸軍堅守勿戰三月初四日賊聞東路官軍至分賊萬餘馳赴三河口設浮橋營壘爲竄賊援應李巡撫進軍規常州時常州城西賊連營二十里通丹陽金壇之路十四日我軍於城東南出隊綴賊劉銘傳攻西北六營破之十五日李巡撫令郭松林等移紮城西南遣王東華率水師進溇湖十七日松林等攻陳渡橋賊槍傷楊鼎勳胸猶揮將士格鬪松林

志餘

卷五

兵事

六

繞擊賊後乃破其營餘十營並潰鄭國魁方營新插設浮橋濟劉銘傳之軍王東華水師自三河口會勦兩面夾擊毀河干賊營二十餘座於是賊西竄之路絕十八日各軍分道破小南門西門賊壘敗賊紛紛入城賊恐我軍躡其後閉門不納殲戮無遺二十二日我軍合圍砲裂城垣數十丈勇士梯而登賊黨死拒搶堵壞城火藥磚石亂下會天雨罷攻時沿江孟河圩塘魏邨羅墅灣方家橋等處賊萬餘先後繳僞印雜髮降悉遣散之踞逆僞護王陳坤書等擁衆死守取舊棺敗船堵城闕我軍進攻則發槍砲以拒李巡撫令軍士築長牆百數丈掘溝其下伏兵二千人

夜中乘賊不覺搶造浮橋四月初四日成浮橋六道時久雨不霽李巡撫默禱於神初五日雨止洋將戈登以砲隊攻南門常勝軍多傷亡乃改令提督郭松林總兵楊鼎勳督軍攻西南常勝軍應之提督劉士奇王永勝攻東南張樹聲軍應之劉銘傳之軍獨攻北門初六日日方中天大霽水陸砲聲萬雷齊發城傾數十丈賊仍悉力抵禦李巡撫親督各軍四面環擊屋瓦皆飛各軍同時奮勇登城逆衆悍黨數千拚命抗拒銘傳等揮軍直進逼陳逆大股入街心節節追勦賊尸橫塞衢巷至護逆住處猶紮石卡以槍炮對擊官軍圍之數重殺傷無算龔生陽突入擒僞護

志餘

卷五

兵事

七

王陳坤書周盛波擒僞烈王費天將縋而逸者數百截殺無餘棄械跪降者數萬人其潛伏城內悍賊悉數殲戮無得脫者初常州城於咸豐十年四月初六日未刻失守越四年同日克復時刻不爽捷聞

優詔給賞有差

附莊善孫寇變紀略

常州上通京口下引姑蘇襟江帶湖向稱要郡我朝世

際昇平民各安其居樂其業不見金革數百年矣咸豐癸

丑二月粵匪洪秀全突陷金陵踞爲僞都

洪逆倡亂廣西延及湖南北旋

棄武昌劫男婦數十萬人順流而下擾沿江郡縣

繼陷鎮

正月十七日陷安慶二月初十日陷江甯據之

江近在肘腋常郡戒嚴 欽差大臣向榮追賊至金陵營
城東孝陵衛賊不敢逞民賴安堵如故江督陸建瀛戕於
賊以怡良爲江督駐節常城丙辰夏

詔以提督銜漳州鎮總兵張國樑幫辦大營軍務七月向榮
薨於戎次

命江南提督和春爲欽差大臣馳赴丹陽接統向營

是夏賊撲七橋

襄向營兵勇潰散張國樑突圍而入保護向榮衝鋒而出收聚散卒由溇化鎮退保丹陽 丁巳十一月

張國樑收復鎮江和春從秣陵關至北固築長濠以困賊

庚申正月總統張國樑克九洑洲賊壘閏三月江督何桂

清 怡良保薦何桂清署理總督旋補授 奏保提督張玉良爲浙江總統留守

志餘

卷五 兵事

常州 二月賊由廣德竄陷杭州三月張玉良偕杭州將軍瑞昌合謀克復之 賊撲大營告急

玉良不赴 大營告急王良五調不赴和春飛札催促桂清乘酒唾罵其使 己酉大營兵索

餉而譁五萬餘人同時潰 大營積欠口糧七月而存寄常州府庫銀尙六十餘萬未經取

給盡齋賊糧 由是十餘萬賊下竄國樑力戰於丹陽亂兵爲內

應丹陽城陷死之 國樑戰歿於丹陽南門之十里牌 和春由丹陽退至滸

墅關仰藥自盡何桂清假籌餉爲名欲退蘇州紳耆挽留

拒不納甲子晦黎明賊至奔牛提鎮馬德昭兵至天喜聞

與賊夾運河不戰而退桂清乘夜東走 桂清臨走士民執香跪求督標兵揮

刃擊散傷紳士十有三人是夜率兵避蘇巡撫徐有壬不納往常熟 四月乙丑朔賊薄郡城

丙寅玉良聲言勦賊出城走礫奸民張泗侯 泗侯通賊爲內應其兄出

告磔於市士民守六晝夜無援兵至賊於庚午午刻陷城賊陷小南

入門常州知府平翰武進知縣馮譽駒陽湖知縣何慶澂先

期走通判權知府事岳昌守備權游擊事袁敏等死之城中

在籍紳士多殉難者士民婦女被戕自盡不可勝計附郭武陽兩邑鄉團有糾一鄉

者有合數鄉者鳴金聚衆相率白巾爲標識賊自丹陽分股犯奔牛一從運河北來一從直瀆西來武生王幹與岳輯瑞領團迎拒各殺賊四五人寡不敵衆輯瑞急退立阮家橋截其要隘一騎先至擊斃之賊蠶至連斃兩賊被執痛罵死王幹後爲賊所獲亦不屈死賊圍城急武生蔣三海率循理團民與德澤依東諸鄉團衆數千夜半輒至城

志餘

卷五 兵事

九

下與賊搏賊至益衆不敵死之丁卯賊千餘從北門龍虎塘渡河武生蔣鏞以鄉團二千人迎戰於潘墅西南之六十畝蕩賊退走戊辰賊數十騎由查墅橋繞道來窺衆禦之於史墅擒僞先鋒陳得淮己巳勦賊於大壩頭趙明春等死之越二日賊從小新橋犯蠟塌壩團分路追擊之癸酉賊仍於龍虎塘乘桴渡抵費家村費正海等戰死潘墅軍趨救連斃悍賊明日復戰又殺退之逾日另股賊黃文金自孟河沿江來與踞城賊夾擊潘墅楊文燮等力戰死陣亡者數百人俞蘭芳爲安東團練長統衆萬餘人辛未賊自湯庄橋至馬庄爲長陣綿延六七里蘭芳分三隊擊

之陣亡者數十人是夜守湯庄橋天未明賊大至縱火劫掠衆遂潰鄒鉞鄒用康集團王下村乙亥及賊戰於鄭家巷丁丑戰於王宣墳前後六戰斬獲無算未幾賊三道至鄒鉞等與其黨五十七人皆戰死舉人謝錫申董孝西團練丹陽失守賊逼羅墅灣率團勇守禦殺賊數百人及城陷衆漸散僅存數十人賊至逆擊之錫申被十餘創死職員鄒永祥監生鄒品龍結團拒賊時德澤有上茶庵團練安東有東沙河團練通江有水塔口團練永祥於新橋西廣數畝之磨盤墩以三百人守之爲新橋團練賊至輒追殺之上茶庵諸團皆然後賊乘大霧渡河襲擊衆驚潰永

志餘

卷五

兵事

十

祥等死焉蔣鼎張開大集懷南鄉團與懷北鳴鳳欽風諸鄉起義賊不敢犯境賴以安先後兩敗金壇竄常賊於卜弋橋斬獲八十餘級州同銜劉允清倡集欽風鄉團江正會江傳林監生江正榮三人慕義爭先賊逼城允清督團築壘拒賊於碌磚壩壩爲丹壇入郡要路獵戶賀敘茂等連斃黃巾賊首賊改道攻城而分股來犯允清被創走死江北同時陣亡者七百七十七人江正會等招集散亡築壘森庄塘固守塘週圍數十里中有蘆灘廣可數百畝正會等結廬其上四面築壘爲久守計賊脅令蓄髮誓不從逆賊怒沿塘焚掠用木筏下塘屢被正會等殺退監生劉履泰集鳴鳳鄉團偕劉慶安等土堡徐塘聞賊不得過慶安毀家以餉衆有杏塘村善用鳥槍

者日擊傷數十人後賊大至衆潰履泰投水死豐東南豐西大甯諸鄉集義團姚永發率豐北鄉團應衆數萬迎戰於烏路橋其地左右帶兩河賊以騎兵蹙之擠於河者幾千人永發力鬪死諸生李嶽生率鄉團戰於鄭陸橋衆潰嶽生歸橐宗祐而後反鬪賊破其橐嶽生瞋目叱之遂遇害城陷明日賊分路寇昇東監生莊孝號召鄉團會新塘五品銜胡文瀾率團趨城過坂上合隊迎戰賊稍卻突以火箭射文昌閣火甚衝逾坂上橋衆奮擊莊孝被重傷死文瀾中槍猶手刃數賊死陣亡者甚衆諸生姜介等城陷已十日集練勇於天井橋嶽廟迎戰至坂上賊退翼日賊

志餘

卷五

兵事

十一

薄天井橋衆爭赴敵賊以行營礮轟嶽廟姜介等斃焉安尚諸生章應辰與張星照集團數千拒賊殺僞侯陳榮升及餘賊七十餘人賊設伏數處應辰等逆擊死之僞英王陳玉成號四眼狗掠涇湖連擾惠化從政昇東西定東諸鄉焚掠半月赴錫邑是月甲戌賊陷無錫金匱丙子陷宜興荆溪丁丑陷江陰是日蘇州省城失守巡撫徐有壬殉節蘇常淪陷何桂清褫職逮問侍郎曾國藩加尙書銜署理總督薛煥爲巡撫權督篆豐南六品銜楊兆昌城陷逾月猶集團禦賊於石家橋屢有斬獲其後賊大至力屈爲賊磔死同死者千餘人從九品銜徐德範有勇力率團殺賊數

百而後死六月曾國藩爲 欽差大臣補授總督駐節皖
省戊子賊悉起金壇大隊撲厚餘鎮蔣鼎等率衆禦之死
焉陣亡者二百餘人辛酉春夏間踞賊赴鄉鎮設卡五月
下旬彗星從文昌宮見十月江督曾國藩疏薦延建邵道
李鴻章率師進勦同治壬戌正月大學士翁心存奏稱蘇
常紳民結團自保盼曾國藩如慈父母請飭該大臣派一
素能辦賊之員馳赴通泰由江陰常熟進擣三月國藩檄
李鴻章統領湘淮軍抵上海 國藩疏薦李鴻章堪寄封疆
重寄適江蘇紳士錢鼎銘潘
馥等備銀十八萬兩僱輪船至皖迎師國藩遂檄鴻章於
三月初八日開行湘淮各軍分起下駛初十日師次上海
四月李鴻章署江蘇巡撫嗣從松滬一帶收復郡縣以圖

志餘

卷五

兵事

十一

蘇常軍聲大振八月僞侍王李世賢掠太平從政昇東西
諸鄉踞賊掠通江循理諸鄉癸亥三月侍逆從宜興至境
掠鄉四月踞賊僞護王陳坤書乘間劫掠五月辛卯封江
禁止舟楫往來以防賊北竄甲午賊破森庄塘江正會等
死之 塘相持三載人爭避居之賊涎財穀充物率數萬圍
攻夜乘小舟竄入遂爲所屠死者數千塘水爲赤

八月乙亥朔李鴻章遣軍克江陰縣城九月踞賊四出刈
禾十月鴻章克復蘇州省城十一月乙巳鴻章遣弟知州
鶴章提督郭松林等克無錫金匱縣城壬子提督劉銘傳
進軍常州由城北鄭陸橋羊頭橋間道進鴻章令總兵周
盛波道員張樹聲由錫邑進屯戚墅堰甲寅進營政成橋

丁巳破圩塘賊壘進破南門賊營逼紮城根後會攻小北門賊退入營乘之不克十二月初旬僞章王自句容赴援合僞護王治王衆五六萬遮蔽城西南隅周盛波等率千人繞其外郭松林益擊南門賊卡賊各道受敵乃大潰護逆乞救於丹陽踞賊城卒難下於是松林銘傳由西門至奔牛李鶴章調槍隊行繞李士橋與銘傳會賊嚴陣以待銘傳炸礮擊其西橋前營松林由上游攻賊東南冒煙突入斬賊數百賊皆亂咸奪門走松林以馬隊數千突賊陣馳驟縱橫斫賊賊奔丹陽是月十四日也我軍以四千人摧捍賊數萬僞忠王李秀成氣沮逸去甲子正月乙丑官

志餘

卷五

兵事

十三

軍克宜興荆溪縣城僞護王合丹陽句容踞賊衆十餘萬繞出郡城北築營數十日犯我軍銘傳屢擊退之李鶴章令楊鼎勳周盛波由南門移營城西護逆率萬餘人來爭我軍力戰竟日賊始退賊覘圍城之師無可乘乃圖繞竄腹地值陰雨旬日賊捲旂薙髮冒雨奔馳至江陰之南閘遂犯常熟福山鴻章飭常州諸軍堅壁勿戰令弟鶴章守無錫楊鼎勳張樹聲橫截江陰之焦塾青暘以阻其歸而調各軍赴常熟助守賊方併集江陰無錫常熟間二月旣望官軍各路大破之盡燬其營三月我軍擊楊舍賊賊奔竄欲過三河口而西鴻章令諸軍絕其竄路賊益致死我

軍橫截之松林大破三河口賊營賊爭道浮橋盡斷尸積水不流樹聲擊其已渡者賊號泣就縛斬獲近二萬人沿江竄賊乃盡時城西賊營猶二十里夾運河左右環列鴻章令劉銘傳攻西北賊六營盡破之郭松林楊鼎勳攻陳渡橋賊大營又破之餘十營皆潰張樹聲鄭國魁周盛波等會擊河干賊二十餘營又盡平之賊西道皆絕惟小南門西門附城十餘營官軍復擊破之護逆恐官軍躡敗賊入城閉門不納悍賊盡死城下乃合圍辛酉攻南門北門壬戌壞城垣數十丈遣死士樹梯登護逆率悍賊悉力堵缺口火藥雜磚石俱下官軍與賊皆死枕藉礮斃僞誌王

志餘

卷五

兵事

十四

陳志書城幾可復大雷雨仍罷鴻章益繕攻具築長墻伏奇兵出擊顧久雨不霽四月乙亥鴻章令洋將戈登率礮隊攻南門令郭松林偕楊鼎勳攻西南提督劉士奇王永勝攻東南劉銘傳攻北門丙子日加午天大霽反風煙燄撲城頭水陸礮聲發如雷舊壞城復傾數十丈賊以人塞缺直炸礮則手足旂幟磚石紛激起天際然旋死旋集終不退鴻章益揮軍登城松林永勝士奇接刃趣隊攜籐牌噴筒薄城賊傾火藥以長矛擊刺軍士十墮六七不顧卒擁而登接刃戰城頭久之賊始潰護逆率僞烈王費天將巷戰松林生擒護逆盛波擒費天將松林銘傳令於城寨

械者免於是跪而降者萬人官軍亦亡千餘人城自庚申四月六日失守踞於賊凡四年克復仍月日時相符因久雨中丞嘗默禱於關帝之神復時天忽大霽我軍克建奇勛陰賴神祐焉賊劫掠鄉閭幾無虛日居民流離轉徙資用乏絕鵠面鳩形竟致人相食不圖劫運之至於此極也一旦膚功奏捷相慶更生迨六月乙酉浙撫曾國荃恢復江甯省城烽烟盡息江南肅清矣遺黎快覩承平庶幾滋生有象哉

右叅錄曾文正公大事記吳中平寇記武陽縣志桑梓潛德錄諸書兼採謝厚庵軍興本末紀略吳下遺黎哀

志餘

卷五

兵事

十五

江南詩註凡紀載攸關者節取焉溯我常郡庚申陷賊憫鄉團之殉義爭先甲子陳師資帷幄之運籌制勝首尾四年事不勝紀要貴徵其可信者而已我

朝重熙累洽簡擢得人大難救平普天同慶若曾文正李節相暨諸將等臨事而懼好謀而成上足以紓

廟謨下足以慰民望功莫偉焉德莫厚焉他郡同深感戴豈特吾常之稱頌弗諼哉今倏已十有餘載痛定思痛曩日流離景象往來於懷略陳事實雖未免掛漏貽譏聊以備鄉邦之考證云爾光緒六年歲次庚辰中秋

莊善孫識

附王銘西寇變紀略

咸豐三年癸丑二月初十日粵賊洪秀全陷江甯先是總督陸建瀛督師於九江聞賊自襄漢下竄遁還金陵迨城破爲賊所磔前浙江樂清協副將武進湯貽汾死之十四日賊酋羅大綱等分股東竄二十一日陷鎮江明日陷揚州

欽差大臣提督向公榮督兵尾及之於金陵二十六日進高橋門擊賊勝之乘勢抄賊前營於城東孝陵衛分遣提督鄧紹良率精兵五千扼丹陽遮賊東下總兵李德慶駐守常州三月十三日向帥奪鍾山賊營調鄧紹良李德慶

志餘

卷五

兵事

十六

攻鎮江常州大震十室九徙在籍告養藩司汪本銓贊善趙振祚先後奉

旨團練設保衛局於龍城書院前年安慶不守郡紳余保純設局於育嬰堂製旗幟書齊心殺賊分給廂鄉至是移焉始捐資行團練製軍械火器曹禾醫士也知兵首結束中左三廂民團設團練局招洲勇幫勇數百名洲勇者武進與丹陽丹徒共轄之太平洲民多勇悍好鬪幫勇則故河運水手也八月西橫林奸民姜繼松通鎮江賊目吳汝孝結土匪姜芳槐等及洲勇謀襲常州民人朱日昇周忠屠錦榮偵知告密於局本銓會縣飭日昇誘禽芳槐并獲賊

黨十餘人皆斬之總督怡良奏保日昇等三人官秩有黃
學川者名濟舟自河北來言賊可擊願募勇克復鎮江本銓
壯之請於浙撫黃宗漢撥銀二萬兩江陰錫金助五千本
銓益以萬餘製攻戰具備三月糧學川招其徒數百人至
稍訓練之

四年甲寅正月汪本銓稟向帥遣黃學川攻鎮江會陰雨
積旬三月初三日大霧人咫尺莫辨學川率勇登北固山
將攻城賊謀於城外鳴礮覺之城賊守益嚴學川氣阻回
是役也本銓與總督主之而前臬司查文經常鎮道喬松
年臬司楊能格皆不預知本銓以任用非人憤鬱致疾尋

志餘

卷五

兵事

十七

卒趙振祚專主局事太平鄉王須福許端二宜興賈方振
各聚黨數十劫掠富戶勾結鎮江賊謀爲亂新塘鄉董胡
文瀾帶勇潛往禽之總督命斬王須福以徇許端二賈方
振分付陽湖宜興二縣絞決喬道復示諭鄉民得土匪格
殺不論由是奸宄稍懾伏知武進縣賈益謙素猛厲善治
盜民得稍安益謙去倪寶璜繼之與陽湖知縣馮譽駒舉
辦各坊廂團練月糜錢二千緡知府世琨請總督閱之賞
各有差

五年乙卯督轅補標兵三百名先是督標兵自金陵潰散
僅調羅源兵三百爲護軍至是招江甯流民爲新兵率多

無賴統馭不嚴養成桀敖之習與難民相倚滋事官吏不敢問

六年丙辰督標新兵鼓噪謀變衆官無措好言遣之五月十三日金陵賊酋陳玉城李秀成等各門竝出冲陷孝陵衛大營提督張國梁自丹徒馳援護向帥走丹陽六月朔部署城守國梁營城外招潰卒賊陷句容犯丹陽向帥登城力禦然大礮擊之賊稍却國梁與將軍福興阿奮力拒戰賊敗走常郡各鄉集團守望晝夜驚擾及寇氛稍遠而又大旱五月不雨至七月河底皆坼胡文瀾率鄉民浚下浦諸港王銘西浚太平百瀆諸港引湖水進灌以稍救之

志餘

卷五

兵事

十八

七月國梁受

命幫辦江南軍務賊復竄至五里牌國梁肉薄戰殲其悍酋追奔至十里牌賊遁還金陵向帥卒於軍總督怡良移節丹陽提督和春尋奉

命接統全軍八月蝗飛蔽天米石錢五千二邑開常平倉出粟平糶常鎮道發護照招商販運臺米以濟振局費不資設鈔票官錢局飢民潰兵日謀竊發會金陵賊渠自相殺不遑他竄總督回駐常州尋以老乞休

朝命浙撫何桂清爲兩江總督仍駐常州九月設振局煮粥以食貧者至來年麥秋止鄉圖皆如之是年奉

上諭在籍同知陸葆編修呂耀斗候選訓導楊金鑑舉人盛久榮承越五品銜吳容光廩生吳會甲六品軍功曹禾胡文瀾辦理團練以前臬司查文經爲督辦

七年丁巳查文經飭各鄉團按圖出丁造冊分送縣局屯軍資器械駐新閘七月喬松年飭胡文瀾辦湖防設巡船查閱各港編漁船保甲從銘西之請也奉

旨以團防勞賞曹禾胡文瀾五品銜藍翎十一月十二日張國梁會虎嵩林劉季三等復鎮江揚州軍復瓜州松年進駐鎮江

八年戊午三月以賊氛遠散局勇和春統辦江浙軍務張

志餘

卷五

兵事

十九

國梁敗賊於七橋甕雨花臺賊閉城不出掘長濠困之四月徹圖勇趙振祚僅留親兵數十名何桂清倚和張爲長城不以疆事爲意徵歌筵宴納賈人妻爲妾謂金陵剋期可復時上游賊甚熾振祚抗直而麤與桂清不合在籍編修趙曾向桂清會試同考所取士也引與謀遂委辦局務九年己未二邑諭各鄉復行團練武進西鄉練勇屢獲賊間查文經會局繕城守具拆附郭民房而南城外湯氏樓高逼城堞以賄得不拆後卒以是敗

十年庚申正月皖南賊由績溪廣德竄浙陷泗安長興連陷杭州和春檄提督張玉良馳援皆復之僞忠王李秀成

僞英王陳玉城僞堵王黃老虎僞侍王李世賢及悍酋陳坤書王祥林等偵和春驕玩剋扣軍糧士無鬪志玉良援浙未反大營兵力單薄潛闖蘇常分股下竄閏三月十三日賊撲大營殺難民填濠塹國梁日夜轉戰軍火糧糗胥竭和春靳不與十四日大雨遂潰和春與國梁退守丹陽急檄玉良回救玉良反道常州桂清截留守城以自衛令趙曾向設局於陽邑城隍廟以募團勇號新局玉良遣軍扎南門外留小隊駐城中二十一日賊由句容犯丹陽分股由溧陽竄武進湟里埠圍金壇民團擊之小勝國梁出丹陽分拒諸賊巡撫徐有壬飭劉季三統潮勇由鳳溝漕

志餘

卷五

兵事

二十

橋至宜興守城二十八日賊偵國梁出戰益攻丹陽和春從三騎遁至常州二十九日丹陽陷國梁力戰被創甚死於河湖北提督王浚壽春鎮總兵熊天喜皆力竭陳亡賊以馬步數百冒官軍尾和春之西門外當是時留儲海運京倉米三萬石局備守城米亦萬餘糧臺府庫儲銀無慮七八十萬火藥數十萬斤攻戰器械備具附近民徙入城者戶以千計紳民相誓死守四月初一日桂清密約諸帥統標兵出走紳耆遮道請留爲標兵所傷數十人武進縣知縣馮譽駒先期奉檄詣蘇請援初二日常州府知府平翰陽湖縣知縣何慶澂游擊祥鷹與統帥和春先後出城

遁玉良乘出隊亦遁新局無主事者趙振祚率親兵出募民團舟至石堰爲亂民所害於是事遂不可爲矣常州總捕通判岳昌陽湖縣典史孫錫珙中營守備袁敏右司把總陳炳仁巡檢張臻暨在城紳士四品封候選教諭趙起浙江候補知縣趙祿保廣東候補知府李光熙候選知府周贊襄監生趙振綱候選縣丞史文吉等束伍嬰城死守北門團勇獲賊內應張泗侯寸磔之玉良之小隊未去者猶數十人皆勇悍局令易號衣助城守殺賊頗衆及陷無一免者初三日賊攻西南二門團董曹禾余成章守尤力禾然礮礮炸禾傷梅景辰繼之賊匿湯氏樓穴洞施鎗礮

志餘

卷五

兵事

二十一

擊小南門守城者罔勿中皆枕籍死初六日賊由樓窺小南門守者少攀登城遂陷官紳民團猶相率巷戰死者三二萬人初八日僞忠王堵王出東門抄掠由政成安尙豐南北東諸鄉竄無錫胡文瀾約諸鄉民團擊賊以遏東下之路而以偏師搗城議甫定文瀾率所募勇十八人先行猝遇大股賊於坂上文瀾揮刀奮戰爲賊所圍陣亡十八人者僅逸其一僞姚天安洪天安出北門抄掠豐西豐北大甯鄉由北塘竄江陰初九日無錫江陰陷十一日賊出南門抄掠延政惠化諸鄉由西南塘合竄宜興十五日蘇州陷巡撫徐有壬暨蘇州府教授武進張鏡溇死之十九

十一年辛酉正月銘西約團反鄉爲賊所獲拷烙身無完膚鄉民賄脫之賊殺銘西子正邪僞護王陳坤書開科取士令無考之鄉將屠戮郡考取者曰莠士貢南京又考而取者曰約士二邑中約士者四人徐包楊汪其姓也徐本孝廉四五月間南鄉往來賊擾民棄田不耕流徙集焦店承越勸捐施粥資遣難民北渡巡撫薛煥委倪寶璜爲七邑團練總辦設局靖江七邑紳士吳啟鳳承越趙振紀周家楣陳惠吉夏煒如先後至靖遣勇密約鄉官掄賊賦爲練費武陽鄉官皆應時難民麇集靖邑無慮數萬人無所得食楊植瀛吳鳳昌等議設粥局於生祠鎮銘西與郡紳

志餘

卷五

兵事

二十二

陸黻恩至泰州稟於喬運司撥布捐三成以濟局費

同治元年四月曾督帥遣諸軍攻克賊踞沿江城隘進薄金陵李公鴻章統淮軍至上海尋奉

旨署巡撫事常熟守賊駱國忠以城降是年十月何桂清逮問至京以棄城糜爛全省伏誅

二年癸亥四月巡撫遣總兵劉銘傳提督黃翼升率水陸諸軍攻克江陰楊舍城八月初一日克江陰方諸軍之將攻江陰也倪寶璜令江陰義民徐永清爲嚮導守備崔榮升率勇攻江陰永清先爲卡賊所殺榮升至黃泥墩爲賊所圍陳亡十月統領李鶴章進規無錫二十一日敗賊於

高橋二十六日克新安望亭十一月初二日復無錫金匱
縣城於是劉銘傳進攻常州由城北鄭陸橋羊頭橋間道
進勦越圩塘賊壘初九日營於西施橋孫邨時總兵周盛
波道員張樹聲自東路破白家橋壘十三日鶴章自無錫
至十四日克圩塘賊壘孟河賊自西來援道員馮席珍擊
退之乘勝進克孟河汛城十五日克東門天甯寺賊壘十
七日克小南門外土城二十日僞章王合衆五六萬自句
容來援鶴章令諸軍分攻各門綴城賊自率九營禦之賊
却銘傳克南門賊壘逼營城下賊蹙奔牛鎮守賊降令總
兵唐殿奎黃桂蘭屯守以扼丹陽之賊僞章王復糾集悍

志餘

卷五

兵事

二十四

黨用洋人飛而復輪舟圍奔牛營日以炸礮轟擊殿奎等
增築堅壘數十勢迫孟河石橋灣羅墅復陷於賊八月初
二日銘傳抽攻城軍二千謀突圍援奔牛賊出隊迎拒殿
奎帛書告急初七日銘傳與郭松林將三營馳救賊壘密
布且戰且前鶴章調洋槍隊繼進而僞王李秀成李侍賢
陳坤書等復由壇溧糾賊數萬四面環紮賊壘逼奔牛冀
解城圍十二日巡撫令鶴章合諸軍三路竝進繞道李士
橋會銘傳十四日銘傳率董鳳高畢乃爾等以礮轟毀李
士橋賊前壘郭松林自上流攻賊東南黃中元滕嗣武自
下游攻賊西南犄角進戰唐殿奎衝圍夾攻賊衆死拒諸

軍奮戰破東南賊營殲其衆西南賊壘驚亂嗣武乘勢縱擊斃賊無算礮擊夾河之賊毀其輪舟銘傳督軍衝奔牛賊分股數萬自後圍撲松林等同戰賊衆遂潰諸軍連破賊三十餘壘陳斬賊萬餘奔牛之圍始解署常州府知府李春生署武進縣知縣方徵泰署陽湖縣知縣朱聲先僑駐戚墅堰難民餓莩麇集道殣相望勸捐設粥局於路城委承越趙振紀暨銘西經理之分前後中左右五局俾無擁擠城南飢民食草根樹皮盡至食人肉時城外賊壘鱗次官軍營城北者爲賊所隔陰遣難民婦以遞軍信諸統領復令銘西繪合境輿圖以攸攻取

志餘

卷五

兵事

二十五

三年甲子正月巡撫令郭松林等合洋將戈登總兵李恒嵩攻宜興二十三日克之郡賊陳坤書合丹陽句容賊十餘萬自西繞城北犯我軍李鶴章督劉銘傳况文榜等軍擊敗之二月初二日賊循江岸撲江陰南插於是江陰無錫皆警蘇州戒嚴巡撫飭攻常之軍堅守勿戰三月初四日賊聞東路官軍至分賊萬餘馳之三河口設浮橋築壘爲竄賊援巡撫督軍規常州時城西賊連營三十里通丹陽金壇之路十四日我軍於城東南出隊以綴賊銘傳攻西北六營克之十五日巡撫令郭松林移營城西南王東華率水師進漏湖十七日松林攻陳渡橋賊營總兵楊鼎

勲傷於胸益揮衆奮鬪松林繞賊後擊之破其營餘賊並潰鄭國魁營新插設浮橋濟銘傳軍王東華水師自三河口會勦毀河干賊營二十餘賊西路遂絕十八日各軍分道破小南門西門賊壘敗賊奔城守賊恐我軍躡其後閉不納戮殆盡二十二日諸軍合圍礮裂城垣數十丈勇士梯而登賊死拒搶堵城缺火藥磚石亂下會天雨罷攻孟河圩塘魏邨羅墅方家橋等處賊萬餘各繳偽印薙髮降悉遣散之陳坤書擁衆死守巡撫令軍士築長牆數百丈掘溝其下伏兵二千人乘夜造浮梁四月初四日浮梁成時霪雨巡撫禱於神初五日雨止戈登以礮隊攻南門常

志餘

卷五

兵事

二十六

勝軍多傷亡乃令郭松林楊鼎勲督軍攻西南常勝軍繼之劉士奇王永勝攻東南張樹聲軍繼之劉銘傳獨攻北門初六日方中天大霽水陸礮聲萬雷齊發城傾數十丈賊猶悉力禦巡撫親督諸軍四面環攻礮聲震天地屋瓦皆飛有團練局舊勇新投撫營戴得勝陳國衡者奮勇先登南門各軍繼之勇氣百倍遂克南城賊率悍黨數千死拒巷戰銘傳揮軍直進逼陳逆大股入街心節節追勦賊尸塞衢巷至陳逆偽館猶據石卡施槍礮對敵官軍圍數重殺賊無算龔生陽突入禽偽護王陳坤書

梟首懸東門夜復爲賊竊

去周盛波禽偽烈王費天將縋而逸者數百截殺無餘降

者數萬多三江人其潛伏民居悍賊搜戮數日始盡初常城於咸豐十年四月初六日未刻失陷及是克復時刻不爽捷聞

優詔給賞有差初八日鎮江軍提督馮子材克丹陽承越趙振紀及銘西等隨府縣進城設局於莊祠其路城粥局如故選壯健難民入城廕埋賊屍糞除僞館巡撫委楊植瀛莊毓鉉辦理善後局務郡紳先後漸返推植瀛爲局總董主議善後章程在城土著流掠難民婦暨各路解到難婦孩撫恤存養以待認領各鄉分舉公正人爲鄉圖董報局彙送縣給諭招工匠修葺公所募役夫掩埋露趾腐屍亦

志餘

卷五

兵事

二十七

各舉董司之巡撫令諸軍拔隊分勦各路逸賊留張樹聲樹字營督匠役修築城垣會董按戶稽查降逆占踞民房其擅拆者驅斬之事竣移駐鎮江六月十六日浙江巡撫曾國荃督水陸各軍克復江甯巡撫札委府縣首葺 武帝廟奏請

御賜扁額委道員高梯正任常州府知府扎克丹前翰林院編修陳鼐知府楊宗濂設常鎮勸農局以莊毓鉉爲兩邑總董趙慶麟高恩裕副之給各鄉籽種紡車等費籌款修龍城書院權爲文廟行丁祭禮請府撥前封儲賊遺米粟以資振卹十一月曾爵帥奏請舉行鄉試籌發賓興費以

惠寒士是年冬陽湖徵熟田分三則上則畝徵錢二百四十中百八十下百二十植瀛以老謝局務毓鉉主之

四年乙丑正月錢德承來署府事以江陰貢院驟難建復會局籌建貢院於先賢祠故址自是學使三次臨郡校士時流寓難民遣散四鄉仍按月振之其回籍難民日益衆大率忍飢露處延政鄉人徐孟英捐資設南北粥局而郡人宦於各省者史致諤盛康陸傳應劉曾撰等皆後先輸銀米以濟德承引疾去王學懋繼其任至卽稟請撥釐捐二萬緡且留武陽布捐充二邑振濟之費學懋旋卒於任高梯攝之益請撥釐捐萬緡分振武陽宜荆四邑

口各五百文

志餘

卷五

兵事

二十八

高梯擢任淮徐道去札克丹遂知府事葺武進縣署權爲府治會紳吳容光莊毓鉉次弟復書院立義學整理育嬰及城內外諸善堂徵熟田捐畝百八十文豆田畝百文是歲大稔

五年丙寅設清糧總局前署福建按察使劉翊宸訓導莊毓鉉主之總督巡撫奏減常州浮糧十之一

舊額七升二合減徵米六

升三合一勺有奇知陽湖縣温世京會武進縣知縣鹿伯元復興

二邑各鄉均庄議圖以免追呼之累是年仍履畝徵如上年數

六年丁卯建昭忠祠於天王堂巷前浙江玉環同知湯成

烈建復忠義節烈祠銘西采訪死難忠義節烈及孝友貞
節彙案請旌卹如例建二邑倉廩始徵錢漕減四成而未
墾者缺焉

志餘

卷五

兵事

二十九

